

明理學名臣黃永軒先生集

皇明理學名臣

黃未軒公集

印水書室藏板

朱軒公文集卷之八

江西提學僉事翰林院編修甫黃仲昭



刑部右侍郎人太庾劉節校

五言詩

題畫山水扇

結屋蒼松裏悠然趣不群
柴門局濕翠蘿逕入寒雲
山轉紅塵隔溪橫碧靄分
煙霞應莫戀天上有明君

題萬壽觀萬花園殿後軒

碧殿臨幽沼開軒水氣清
紅蓮饒曉色綠竹作秋聲
萍散魚吹浪林喧鳥弄晴
僊家良在此何必問蓬瀛

送庶吉士鍾美宣乃叔還番禺

遠謁鑾坡署殷勤訪阿咸羊城勞客夢潞水問歸帆
荔子紅垂屋榕陰翠遶巖品題應有句珍重示來緘
送楊汝介秦其父考功公之命歸省祖母

遠奉嚴君命重闌問起居異鄉頻有夢故國又無書
潞渚冰消後都門酒盡初愁心關去住臨別重躊躇
圃東新井

玉署井初成寒泉一鏡平潤滋蒼蘚茁色映翠梧清
澄碧涵天影虛圓浸月明何由分涸轍枯鮒總回生
愛蓮爲潞陽戴景元賦

蓮自濂溪後先生獨愛之畫船頻載酒彩筆每題詩
佳色看偏好幽香輒更宜箇中有真趣浮世幾人知
題崆峒拱壽圖壽林文華先生母

雲路雙丹鳳慈闈獻壽觥養分天祿厚舞著錦衣輕
南極乘雲降崆峒駕鶴迎華筵申頌禱同看海塵生
謁延平書院二首

九峰分一脈遺廟竝當中橫翠軒猶在濯纓亭已空
溪山閑霽月草樹自春風僊梵爭華侈傷哉吾道窮

二

先生不可作千載仰儀刑道脉承伊洛心傳在考亭

池涵新漲綠碑蝕古苔青陰緒今誰續斜陽草滿庭
和駱順庵邑博雨中見懷韻

良晤連朝阻憑高望泮宮煙雲迷旦暮樓閣隱青紅
溪漲千峰雨蟬鳴一葉風知君能念我兩地思應同
遊昭武西塔寺和劉太守仁甫韻

偶同登古寺樓閣夕陽邊列雉低連樹遙山翠倚天
勞生成底事客路又經年只合還山去塵纓濯澗泉
遊昭武福山寺

野寺峰巒合雲扃書閒寥虛窓臨樹杪曲閣遶山腰
何事勞車馬頻年走市朝却慚林下衲閉戶草蕭蕭

拙戒吳方伯亭成翠渠有詩寄題因次韻二首
聞說吳方伯幽亭構已成四簷深樹暝一雨小池平
鷗鷺依人宿葦鱸約客烹良遊嗟未遂幾度夢中行

二

一段崆峒景何須訪廣成春增晴野綠雲補亂山平
酒泛黃花飲茶分活水烹芳鄰如可借杖屨日隨行
送韋提學致仕還家二首

諸生沾化雨臨別思茫茫經濟違初志葦鱸憶故鄉
琴隨孤鶴去鴻共片雲翔一笑忘言處還家菊正黃

二

老我方投笏先生復掛冠世途機穽險吾道應酬難
蝸角閑爭懶槐柯短夢闌扁舟欣抵岸滄海任狂瀾
山亭爲龜塘廖氏應修賦次周翠渠韻

小亭依水竹山色共霏微散帙雲浮几彈琴月在幃
鵷鸞行筵羽鷗鷺暫忘機一榻期相借風雲同味歸
題坦齋所作小畫次周翠渠韻

孤艇斜陽外群峰紫翠橫水光浮日色蕩漾一川明
邵武黃溪鋪左有飛瀑數十丈懸石崖如布

山上白雲深雲中出飛瀑回看不見源疑從天上落
遊囊山寺追和柯竹巖先生韻四首

徑斜通寺蒼松帶碧溪樓臺晴日麗雲海暮山低
亭擁蒼霞暝窓橫翠靄齊老僧誰得似長伴白雲棲

二

吾郡多奇勝都無讓古囊松風回爽籟巖桂散天香
把酒鶯啼樹橫琴月到床高情邈難寫一笑晚山蒼

三

寺遠人稀到巖扉盡日扃鳥窺山殿供風亂石床經
巢鶴松枝老潛蛟澗水腥同遊總知己相對眼俱青

四

遊倦還高閣憑闌思轉豪雨收山擁翠潮至海增濤

遠戍孤烟淡平原獨樹高勝遊情不極重擬約同袍

登辟支巖追次柯竹巖先生韻二首

層巖駁勝覽舉首近晴空城郭斜陽外村墟斷靄中
野水連雲白殘霞映樹紅東南天更遠極目沒冥鴻

二

造化鍾靈秀閒雲自辟支泉源分處遠巖穴鑿來奇
地僻藤埋徑年深蘚翳碑幽禽迎客語繾綣似相知

登九僊觀舒嘯臺

臺在三山九仙觀崖石下初
榛莽成化丁未始闢爲臺

榛莽新芟闢天然數仞臺烟雲連睥睨殿閣俯崔嵬
遠岫橫江斷寒潮到郭回登臨一舒嘯天地旅懷開

鄉貢進士三山王士奇大父母挽詩二首

良玉堪瑚璉宏材中棟梁雲衢淹素志旅夢熟黃梁
書閣芸香散吟壇草色荒賢孫高擢第應是慶源長

二

淑德由天賦高堂足母儀梨雲飛夢杳薤露些歌悲
雙壁同玄室諸孫見白眉徽音應不朽太史勒穹碑

往德安過東林寺讀始祖唐御史公詩韻六首

盧阜稱茲刹乾坤幾許時題詩憶吾祖覽勝愜幽期
鹿飲清溪水鶴巢古樹枝我來訪蓮社山色映清池

晉陶靖節與陸靜修等
十八人結白蓮社于此

二

東林聞自昔夢想已多時頗喜茲行便聊償夙所期
苔荒翻貝處劫化偃松枝羸得笑渠在年年發舊池

謝康樂嘗翻譯佛經鑒池于此祖詩翻譯如曾
見白蓮開舊池古松晉時植祖詩松偃數朝枝

三

經過聊駐節正值浴沂時野鳥如相迓雲山似有期
水清泉傍石林密樹交枝恠底坐忘去幽亭俯碧池

四

下馬日停午陰雲解駁時縱觀須盡興重到恐難期
花雨紅飄逕松嵐翠滴枝前峰高見塔指點是天池

寺前正對廬山天池峰峯頂有寺寺前有石池寺後有浮圖高出林杪

五

縱忙須暫駐周覽更何時山色千年在人生百歲期
香斜風入樹花落鳥爭枝淪茗澆吟吻山僧汲小池
寺有泉出石間極清冷寺僧甃石爲小方池作亭覆之各曰玉壺冰

六

未了公家事匆匆少暇時偶因逢老衲聊其話心期
倦驥悲塵早痴鳩憶故枝君恩猶未報行路敢差池
再經廬山東林寺又用始祖御史公韻賦六首
昔年曾過此猶記暮春時驄馬重來日隙駒三載期

雲閑經雨岫花發向陽枝春草撩詩興分青入古池

二

青山如有待不改昔年時重到豈非幸佳遊不負期
亂雪生石罅一鳥轉花枝昨夜知經雨幽庭水滿池

三

慧遠因陶令高名著昔時虎溪同笑傲蓮社共襟期
故址更新宇喬林非舊枝千年遺跡在惟說兩荷池

四

問道潯陽郡諸生候幾時未窮殘日興仍擬復來期
霽景酣春意紅芳間綠枝山中春社過飛燕亂差池

五

徙倚看奇勝乾坤雨霽時林巒含喜色花鳥似前期
晴竹黃金影新梧碧玉枝幽亭事事好不獨瞰清池

六

山水重看處韶華正麗時勝遊良自慰浮世亦難期
鳥欄齋僧飯猿攀飲澗枝所嗟公事迫未得看天池

大雨雪六首

時會同寅飲憲副哭公有賞雪嘗
新酒吟風集故人句因足成律

賞雪嘗新酒吟風集故人歲窮雖覺凜道合亦如春
霜鬢年華邁雲旂歸夢頻明年復今夕未卜更相親

二

賞雪嘗新酒霜臺散晚衙
杯乾情自洽風勁勢尤加
入面回春意開窓訝月華
豐穰應有家仲聽頌汗邪

二

賞雪嘗新酒初昏喧漸沉
從容論世事慷慨發豪吟
黼宸清光遠江湖憂念深
蒼生猶凍餒何以慰吾心

四

賞雪嘗新酒同寅喜盞簪
跳珠初淅淅飛絮漸毵毵
高論無今古清歌雜笑談
老予慳飲量今夕亦沉酣

五

賞雪嘗新酒空庭夜色明
偶因公事聊適片時情

紫塞烽猶警黃河水未平迂踈無寸補空有二毛生

六

賞雪嘗新酒忘形孰主賓心交非市道情洽見天真
民俗猶趨薄儒風未返淳一尊應暫適終合乞閑身
次韻贈提督踏量屯田程主事

四牡歷丘墟民風隨地書逢人詢敝政計日趣輜車
兵欲儲糧餉民思奠室廬使君今處分須體

聖明初

江湖壯遊和李侍御尚絅韻

仗劍別鄉土乾坤欲通行憑高能作賦弔古獨傷情